

## ***Sjećanja***

Kada te u kasne sate uzdasima takne stih,  
šehidi su vječno živi, prisjeti se tada njih.

U bašluku svakome se istina o nama krije,  
Aladžu i Ferhadiju porušio vjetar nije.

*Sjećanja, njihova su djela vrijedna  
istina, istina je samo jedna,  
mi smo tu, više nemamo dilema  
Allah je jedan, njemu ravnog nema!*

Sakri suze u svitanja, dok kazaljke tamu slute,  
Gazije su pored tebe, svoju tugu oni šute.

U njihovim dušama se istina o nama krije,  
Aladžu i Ferhadiju porušio vjetar nije.

*Sjećanja, njihova su....*

Na beharu kapi rose, Uzvišenom sedždu čine,  
Bosna dovom sunce zove, da na putu mraka sine.

U svjetlosti njegovoj se istina o nama krije,  
Aladžu i Ferhadiju porušio vjetar nije.

*Sjećanja, njihova su djela vrijedna  
istina, istina je samo jedna,  
mi smo tu, više nemamo dilema  
Allah je jedan, njemu ravnog nema!*